

摘藻堂四庫全書薈要

集部

欽定四庫全書薈要卷一萬五千六百十四

集部

誠齋集卷三十七

宋 楊萬里 撰

詩

退休集

二月十四日留子西材翁弟晚酌

丁流迷沉一小炷聚作名香散金霧清尊相屬對花前
政是一年春好處海棠初試川樣粧垂絲新出濯錦江

杏花欲落桃李拆牡丹未拆國色香酒行莫忙且一盞
一盞一番一行散徧行九徑却重行莫遣一花不相見
酒教少酌花多看看盡千花却深勸今宵無月不須燈
千樹李花如晝明

登度雪臺下臨桃李徑

桃花夾外李當中三徑花開兩徑紅獨繞畫簷無箇事
自攜團扇撲黃蜂

萬花川谷海棠盛開進退格

四面周遭國艷叢危亭頓在艷叢中天開錦幄三千丈
日透紅粧一萬重積雨初晴何楚楚東風小緩莫匆匆
為花一醉非難事且道花醲復酒醲

積雨小止暫到東園雨急即歸

咫尺東園千里遙欣逢小霽路消搖鷺穿秧福新黃脚
蟲禿金沙嫩紫條城市簷間堪繫纜山溪夜半夾危橋
匆匆行散還歸去一陣飄蕭不見饒

四月二十八日祠祿秩滿喜罷感恩進退格

隨牒江湖四十年寄名臺閣兩三番全家廩食皆天賜
晚歲祠官是地仙匹似分司轉閒散世無拜表及寒溫

明朝更省毛錐力十字名銜尚請錢

白樂天得分司官
作詩夸拜表行香

寒溫之外並無所事未知今日祠官併行香拜表亦皆
不赴予以中大夫秘閣修撰提舉隆興府玉隆萬壽宮
階從

荷池小立

池小泉多強欲留留他不住恣他流荷盤不放荷尖出
穿破盤來却又休

贈閣皂山嬾雲道士詩客張惟新

閣皂峰頭半朶雲化為道士到吾門問渠真箇如雲嬾
為許隨風處處村

羽客來從閣皂山慙慙告訴病詩癩古今此病元無藥
癩到陰何便是仙

料理小池荷

側塞浮荷更泛苔為芟數路水痕開魚兒便喜新開港
繞去繞來千百回

六月十六日夜南溪望月

溪水留我住溪月愁我歸望後月更佳昨宵未為奇大
都月色好一歲能幾時人散長是早月來長是遲初出
如大甕纔露金半規不知獨何急下如有人推忽然脫
嶺出行空安不危似愛溪水淨下浴青琉璃明珠徑餘
尺沈在千頃波我欲刺雙手就溪取團暉白小忽亂跳
碎作萬金徽須臾波浪定化為水銀池夜久看未足風
露泣病肌我能尚小留瘦藤歌式微一笑顧羣從來夕

肯集茲

送吉守趙山父移廣東提刑

越臺海山清更雄
曲江間出曲江公
憲臺師表光且耿
濂溪留下濂溪井
趙侯端是宋間平
妙年策名千佛經
陽春有脚來江城
銀漢乘槎移使星
嶺上梅花莫遲發
先遣北枝迎玉節
寄聲多賀帽子峰
今歲峰頭有霜雪

提刑衙後一
峰名帽子

擬吉州解試秋風楚竹吟詩

客子正行日偏逢楚水秋一風來瑟瑟萬竹冷修修吹
作清霜骨聲酣古渡頭班林寒裂碧勁節爽還幽亦復
披襟快長懷落葉愁少陵詩思苦送別更冥搜

題星子縣黃宰世高問政堂

黃子儂故人危子儂門生向來同登漱玉亭銀河洗面
醉不醒四年二子不見面過眼光陰掣飛電今晨忽得
問政碑黃子作堂危子詞危子筆力乃爾進黃子佳政
不須問寄言二子各努力古人也是人作音得

大丞相益國周公訪予於碧瑤洞天劉敏叔
寫以為圖求予書其後

平叔曾過魏秀才何如老子致元台蒼松翠竹青苔逕
也不傳呼宰相來

丞相周公招王才臣中秋賞桂花寄以長句
素娥大作中秋節一夜廣寒桂花發天風吹墮埜綠堂
夜半瑤階丈深雪梅仙不知天尚秋只驚香雪點搔頭
笑隨玉妃照粉水洗粧同入月中游晉公賞梅仍賞桂

獨招子猷雪前醉明朝有客訴天公不喚香山病居士
寄題開州史君陳師宋柴扉

屋是茅一把門是柴一束是間著宇宙太倉半粒粟吾
聞陳家扉樣似陶家屋孤松不須雙五柳何用六竹籬
東復東添種數叢菊臘宵早歸來盈樽酒初綠

寄題吳仁傑架閣玩芳亭

洞庭波上木葉脫巫山宅前堊花發子規啼殺不見人
空令千載憶靈均春蘭九畹百畝蕙自榮自落誰能佩

澤國東山最上頭，有客玩芳杜若洲。
舟人夜上人鮪甕，手徹騷人衆芳種。
歸來夢到閨風臺，靈均花草和露栽。
寄言衆芳未要開，更待誠齋老子來。

題子文弟南溪竒觀

行盡三江與五湖，江湖元只近吾居。
一陂秋水鎔銀液，萬里青天落玉壺。
每約弟兄人定後，恣看風露月來初。
老夫詩句休拈出，漏洩南溪竒觀圖。

賞菊

老子平生不解愁
花開酒熟萬年休
更教不為黃花醉
枉却今年一片秋

菊花肯為別人黃
長怨先生不斷腸
兩鬢盡凋無地插
一杯細嚼入神香

菊生不是遇淵明
自是淵明遇菊生
歲晚霜寒心獨苦
淵明元是菊花精

物性從來各一家
誰貪寒瘦厭妍華
菊花自擇風霜國
不是春光外菊花

白菊

白菊初開也自黃開來開去白如霜小蜂劣得針來大
不怕清寒嗅冷香

霜後黃花頓不中獨餘白菊鬪霜濃與霜更鬪晴天日
鬪得霜融菊不融

芙蓉盛開戲簡子文克信

芙蓉得雨一齊開盡日花開客不來到得客來花已老
晚粧猶可兩三杯

曉穿芙蓉徑

晚粧嬾困曉粧新
火急來看起絕晨
夾徑花枝欺我老
競將紅露洒烏巾

芙蓉佳處不勝佳
花不中藏祇外斜
恰似曲江聞喜宴
綠衣半醉戴宮花

送簡壽王主簿之官臨桂二首

蘭溪傾蓋杏風殘
桂嶺離裾菊露寒
聽子新詩過夜半
吹儂秋思入雲端
狂吟平地千蒼玉
還憶孤舟一釣竿

四海如今習鑿齒大官莫作小官看

柴門草徑儘莓苔不放黃塵俗子來
詩客清晨衝雨入梅花一夜為君開
飄蕭落葉殘燈火陸續清談濁酒杯
二十六年纔四見驪駒抵死又相催

殘菊

腸斷黃花霜後枝花乾葉悴兩離披
一花忽秀枯叢裏更勝初開乍見時

秋圃

何處秋深好山林處士家清霜紅碧樹白露紫黃花一
歇雙言頻雨朝晴禱暮霞連宵眠不著猶自愛新茶

與侯子雲溪上晚步

人入溪園自掩門溪流新落兩三痕杖藜紫菊霜風徑
送眼丹楓夕照村行住忽然忘近遠陰晴未肯定寒暄
多時不出今聊出牧子樵兒一笑喧

十一月朔早起

拋笏投簪四見秋宦情世味兩俱休塵隨日影穿牕喜

葉卷風聲刮地愁文武自勻香底火聖賢教帶老時憂
夜來富貴非人世夢釣滄浪雪滿舟

新晴

瑤霜珠露兩相鮮玉宇金鉦萬里寬欲作

音佐

一晴多少

日早知祇費數朝寒暴禾場裏雞豚樂試筆窓前紙墨
乾兒女莫飡新浙飯打頭荷甌且輸官

嘲蜂

薰籠烘藥較香些引得蜂兒繞室譁笑死老夫綠底事

蜂兒專用鼻看花

留蕭伯和仲和小飲

桼果山蔬未要多濁醪清酒儘從他不於兩瓊三杯裏
奈此千愁百惱何山倒莫教扶玉樹尊空別得借銀河
少陵一語君知麼不見堂前東逝波

誰曾白日上青天誰羨千鍾況萬錢要入詩家須有骨
若除酒外更無仙三杯未必通大道一斗真能出百篇
李杜饑寒纔幾日却教富貴不論年

新晴東園晚步

一日秋陰一日晴
山禽相賀太丁寧
不愁白髮千莖雪
隨喜黃庭一卷經
晚霧薄情憎遠嶺
夕陽死命戀危亭
孤吟莫道無人覺
松竹喧傳菊細聽

忙裏清流也帶塵
閑中底物不長新
水將樹影揮空帶
楓換秋容作好春
自是不歸歸便得
老來下筆筆如神
鶯花剪燭無虛日
賤相誠齋一老人

新霜

得得今來未有寒天公小靳不全判欲呈瑞雪飛花樣
先遣濃霜起草看瓦脊生春變瓊玉梅梢著粉忽琅玕
老夫到老嫌冬熱十指朝來出袖難

餐霜醒酒

宿酒朝來醉尚殘胸懷眊燥腹仍煩牡丹壇上欄干脚
自刮霜毬袞舌端

梅菊同插硯滴

兩枝殘菊兩枝梅同入銀罌釀玉醅得得陶泓真箇渴

二花酒熟共三杯

冬至霜晴

油簾雪白日華紅老子良圖策雋功自曬絛絛并衲袴
誰知衣桁是薰籠絕憐寒菊枯根底留得殘霜過日中
舊說冬乾年定濕試將今歲試南翁

米伯勤同子文弟幼楚姪來訪書事

板橋再葺岼頭橫茅屋新添樹外明山勢追回一溪水
波光飛到萬花亭沉煙久冷爐猶馥簾子閒垂脚自平

坐看千林總黃落只餘蘭蕙向人青

與伯勤子文幼楚同登南溪竒觀戲道旁羣
兒

鬢鬆睡眼鬱難開曳杖緣溪啄紫苔偶見羣兒聊與戲
布衫青底捉將來

曉行東園

霜後前林一向疎丹楓落盡況黃梧犯寒侵早看寒菊
怕熱平生不擁爐老眼讀書長作睡病身得酒忽全蘇

好詩排闥來尋我一字何曾撚白鬚

至後十日雪中觀梅

小樹梅花徹夜開
侵晨雪片趁花回
即非雪片催梅發
却是梅花喚雪來
琪樹橫枝吹腦子
玉妃乘月上瑤臺
世間除却梅梢雪
任是冰霜也帶埃

飲酒

今日偶不飲無事亦有思
偶然舉一杯事至我不知
豈獨忘萬事此身亦如遺
此酒本何物秫先麴還隨飯秫

祇醒眼嚼麩無醉時
秫麩偶相逢清泉媒妁之不知
獨何神幻出忘世姿
莊周不須周惠施不須施
貴賤與生死不齊元自齊
我本非縉紳金華牧羊兒
祇坐讀書禮一出不得歸
歸來今年似早其實遲
海中無蓬萊蓬萊在酒池
今夕一杯酒乘風駕雲旗
猶遭世緣縛未掛神武衣

雪後領兒輩行散

今日意不愜
出遊聊逍遙
父子自為伴
何須外招邀
過

溪足小倦臨流坐危橋回頭顧吾廬竹樹翳草寮獨有
萬花亭巋然出山椒高陂瀉溪水環珮鏘瓊瑤飛流迸
空起平水和天搖春淙到潭底勢儘自浮漂蟹眼沸不
停雪山湧還消近觀絕洶洶遠聽漸蕭蕭忽逢綠頭公
攜拏鼓舟撓喧呼葦間出得意似兒驕我行為小立流
魚偶雙跳人物各自適茲游定誰超

中塗小歇

山僮問游何許村莫問何許但出門脚根倦時且小歇

山色佳處須細看道逢田父遮儂住說與前頭看山去
寄下君家老瓦盆他日重游却來取

雲際寺前山頂却望幡竿鷓鴣諸山

幡竿嶺帶鷓鴣山雪後霜前紫翠間自擬胡床移好處
莫教漏眼一煙鬟

遠近青山列畫屏近山濃抹遠山輕高屏已出低屏外
更有孤峰出一層

游雲際寺諸僧皆出因過田家

游徧諸峰欲晚霞倦投堊寺覓煎茶更無一箇殘僧在
歸路却投田舍家

歸路過南溪橋

霜風一動嶺雲開雲外樵歌暮更哀童子隔溪呼伴侶
併驅水牯過溪來

愛他風物重徘徊歸路遲遲却快哉曲折緣溪非細好
忽逢斷岬却回來

荷池

金方口人卷二十七
卷三十七
小池歲晚石泉寒荷葉低垂綠柄乾一似漁人暮歸後
敗簞破笠掛魚竿

簷滴

簷滴疎疎亦幾何滴將苔砌出園窠就中漱滌偏精巧
泥土都無石子多

與山莊子仁姪東園看梅

仰樹看花不見梅聞香疑在別園開更行數步偶回首
却被青松映出來

梅花不是雪家仙
雪裏如何不怕寒
凍脫龍髯冰却海
千花試與鬪來看

手種江梅五百窠
小窠開早更花多
就中一樹尤清絕
惱殺先生看殺他

步繞梅花徧一園
得花妙處忽忻然
元來別有看花眼
笑殺山莊死不傳

歲晚歸自城中
一病垂死病起遣悶

索居猶寡歡巾車
入城圍親舊久不見
一見交相欣挽

衣招我飲惟恐我出門不招我亦往不留我亦存慙
復如許不住我豈真是時梅始花吹香落金尊酒列肴
果富咀啜俱芳珍丞相我知己太守吾故人言非汰塵
雜塵雜不入言初談聖賢髓終談天地根向晚銜杯酒
不樂復何云

出郭雲尚明及郊日忽暮不思日晷短却信雲已誤駿
奔六七里逢店破亦住澆愁幸殘罇照睡聊短炬荒雞
喚埜夢晨起念速步升車乃復下故病動中腑昏眩懷

欲絕低回不能去
僮僕強我歸
偶不隕中路
老至猶倚
強疾在自不悟及茲一委頓去死僅寸許
人生信浮脆
可笑何足愆
所恨棄官晚
行樂今已遽

食罷游東園
慨然傷我懷
昨日病卧時
自謂不復來
入門大風起
萬松聲頓哀
病骨念不堪
欲行重裴徊
裴徊南齋前
小倦坐苔階
齋前花不多
上有兩古梅
似知我至此
頃刻忽盡開
多情梅間竹
偃風特竒哉
不知喜風舞
為復怯風回
萬象皆迎春
我獨老病催
明日能來否

且歸撥爐灰

病起行不得坐久情不舒
強妻子前欲扶羞索扶且
呼斑竹君寸步與我俱
遠行亦未決聊復循庭除
平地誰云覺陟降即少徐
平生四方志八極視若無
西飛折若木東屬騎鯨魚
即今卧藜床一起還九噓
力憊志猶在床頭尋湛盧

丙辰歲朝行東園

元日扶衰看早春嫩苔一徑落梅新
何人舞罷凌波襪

踏遍真珠滿綠綯

題張垣夫腴莊圖三首

萬里千山十里溪
荷花萬頃照紅衣
臨平山下西湖上
總被腴莊掇取歸

花光泉響不相參
城市山林難兩兼
不分腴莊最無賴
一時奄有忒傷廉

花開還喜落還嗟
君被腴莊惱却些
何似老夫展橫軸
一朝看盡四時花

東園晴步

淺暖疎寒十日晴
桃花紅暗李花明
小蜂撲得渾無益
羽扇從來不作聲

金沙遶架卧春風
節節新條出嫩叢
一色勻排綠瓶子
忽然半縷徧深紅

曉登萬花川谷看海棠

夜雨朝晴花睡餘
海棠傾國萬花無
館娃一樣三千女
露滴臙脂洗面初

準擬今春樂事濃
依前狂却一東風
年年不帶看花眼
不是愁中即病中

走筆送趙正則司戶來訪親庭

捧檄親庭歸帽斜
宵臨破屋玉川家
小留詩客三杯酒
試看山園幾處花
行到東湖與南浦
時當芍藥替金沙
却來書滿參鄉好
徑泛銀河犯斗槎

東園社日

風雨摧殘桃李枝
東園無樹不離披
海棠過後殘花在

恰似上春初發時

觀社

作社朝祠有足觀
山農祈福更迎年
忽然簫鼓來何處
走殺兒童最可憐
虎面豹頭時自顧
埜謳市舞各爭妍
王侯將相饒尊貴
不博渠儂一餉癡

上巳日復同子文伯莊永年步東園

兄弟相過看牡丹
牡丹看了看東園
攀翻花木來還去
九徑還行十八番

九徑陰陰一一穿前談後笑各忻然緩行不是身無力
滿地殘花不忍前

只愛醱醲雪作葩不知雪後減金沙春歸道是無情著
試看游絲舞落花

積雨小霽

雨足山雲半欲開新秧猶待小暄催一雙百舌花梢語
四顧無人忽下來

題劉高士看雲圖

茅山詩人凝神高士劉先覺遭遇夫孝宗皇帝
嘗因宣召講莊子輒進苦口之言曰親君子遠
小人近莊士疎嬖倖此可以道家者流視之歟
慶元丙辰三月二十二日次謝艮齋韻書看雲
圖後

偶為看雲且罷琴萬山寒隔一溪深誰言
燕月餐雲客
中有憂時致主心

送黃巖老通判全州

自號白石居士

瀟湘之山可當一枝筆
瀟湘之水可當一硯滴
白石得官班
竹林天錫筆硯供
醉吟好將湘山點
湘水灑滿青天一張紙
臺閣旁搜清廟珍竒珍墮在湘水濱
烏衣樞相金水鏡
手提一道人材柄
外臺況復有三賢
看即吹噓送上天
歸來肯過誠齋裏
分似錦囊新句子

送劉北秀

劉子過逢十二年
別來風月幾千篇
黃金賣盡延賓友
囊底何須看一錢

贈我盆花十小詩
菖蒲一詠最清奇
洞庭卷入堅昆枕
更卷青天入可猗

暑中早起東齋獨坐

松竹陰中逗曉光
無風有露自生涼
黃筠椅子十二隻
倚遍琉璃背滿霜

誠齋待月

紅稠碧秀暗山園
只有誠齋眼
眴寬月近竹梢偏
不上
要人不看要人看

六月晦日

今年六月熱全無不是雲陰即雨餘
松葉落堦休掃動
黃金綫織一氍毹

寄題儋耳東坡故居尊賢堂太守譚景先所
作

東坡無地頓危身天賜危山活近臣
萬里煙波隔布壘
千年桂酒弔靈均精忠塞得乾坤破
日月伴渠文字新
祇箇短簷高屋帽青蓮未是謫仙人

先生初落海南垂茅屋三間不到伊更有高堂懸畫像
幸無過客首去聲新詩古來賢聖皆如此身後功名屬阿
誰底事百年譚太守却教賓主不同時

小池荷葉雨聲

午夢西湖泛煙水畫船撐入荷花底雨聲一陣打疎篷
驚開睡眼初髮鬆乃是池荷跳急雨散了真珠又還聚
幸然聚作水銀泓瀉入清波無覓處

贈左元規

誰道古人今不如龍生龍駒鳳生雛太沖千載有孫子
筆端真可四三都向來鹿鳴首送渠至今銀袍雙袖烏
會逢玄晏為拈出殿前作賦聲第一

八月十三日夜誠齋望月

纔近中秋月已清鴟青幕掛一團冰忽然覺得今宵月
元不粘天獨自行

蛩聲

誠齋老子一歸休最感蛩聲五報秋細聽蛩聲元自樂

人愁却道是他愁

送王子林節推之官融水

桂嶺梅花欲爭發融水幕賓來訪別可憐疋馬犯霜風
吟徧梅花更吟雪我如病蠶已三眠作鹽不就粘壁乾
君如雲表秋見鶻政好搏扶慙羽翰中書落筆看給札
歸時過我聊投轄

寄餞湖廣總領張子儀少卿赴召

君不見紹興初載毗陵公亂後身作夾日龍功存社稷

報不盡祇遣千載高
清風當家衣鉢付誰子
蘭砌孫枝
渾是似哦詩五字如淵明
讀書萬卷如子美
士飽未半
今幾年月昇金掌歸九川
胡不令舍人吐吐趣行李
早上星辰聽珠履

偶生得牛尾狸獻諸丞相
益公侑以長句

風林露圃天欲霜
柿紅栗紫橘弄黃
老夫忍饒不忍嘗
丁寧邊人莫取將
朝來粟姬羽化去
逋其木奴三百戶
烏裨士子散如煙
檢校不知渠去處
山僮相傳皂衣郎

字曰季狸氏竒章上樹千回一霎強連夜標掠積廼倉
并吞又向黎侯國羅人救黎遂擒獲白茅面縛來獻俘
玄端貂裘瓠肥白解驂薦渠登相門立談封作糟丘君
旁招披綿拉通印日侍尊俎嬉平園玉肌生憎麤手削
須防東坡誦寃著

平園乃益
公園名

題益公丞相天香堂

益公新植洛中絕品牡丹數十本作堂臨之誠
齋野客楊萬里請名以天香且為賦長句

君不見沉香亭北專東風謫仙作詞天無功君不見君
王殿後春第一領袖衆芳捧堯日此花可令轉化鈞一
風一雨萬物春十分整頓春光了收黃拾紫歸江表天
香染就山龍裳餘芬却染山水鄉青原白鷺萬松竹被
渠染作天上香人間何曾識姚魏相公新移洛中喬呼
酒先招楚客看不醉花前為誰醉

李原之主簿投贈長篇謝以唐律

寶氣亭前雙太阿龍光再吐射銀河伯兮西嘯巴山月

仲氏南嬉楚水波贈以四愁真絕唱不如一詣聽長哦
簿書何至煩勾校歸校芸香蠹簡訛

慶元丁巳八月二十六日季父初筮文江執贄
文節公之門辱報以詩集中偶未登載輒附刻
於此卷之末淳祐丁未秋八月後學豫章李茂
山謹識

誠齋集卷三十七

謹案卷三十六第一頁前七行章江欲盡滄江來
原本滄江訛塗山据別本改

第十五頁後四行復飲落花前七行伯雅再遣前
按前字兩押


卷三十七第十一頁後一行坐看千林總黃落原
本坐訛生据別本改

第十二頁前一行一字何曾撚白鬚原本撚訛愁
据別本改

第十六頁後四行八極視若無原本八極訛入輕

据別本改





總校官庶吉士臣張能照

校對官庶吉士臣陳墉

謄錄監生臣浦焞

欽定四庫全書薈要

集部

誠齋集卷三十八

九



詳校官助教臣謝登雋

欽定四庫全書會要卷一萬五千六百十五

具部

誠齋集卷三十八

宋 楊萬里 撰



退休集

冬暖絕句

今歲無寒祇有暄
臘前渾似半春天
醉中苦有薰香癖
燒得春衫兩袖穿

臘前月季

只道花無十月紅
此花無日不春風
初尖已剥臘脂筆
四破猶包翡翠茸
別有香超桃李外
更同梅鬪雪霜中
折來喜作新年看
忘却今晨是季冬

南齋前梅花

山園臘裏日蔬蕪
只有南齋最起予
竹映梅花花映竹
翠毛障子玉妃圖

朝來早起掛南窓
要看梅花試曉粧
兩樹相挨前後發

老夫一月不燒香

寄題周中丞萬象臺

自號乘成居士

昔從永和望青原
永和在地山在天
今從青原望萬象
青原在下臺在上
乘成先生學海龍
眼高四海空復空
如登中天驚八徑
下視積蘇同絳宮
萬物一馬喻多少
漆園小家窮計較
須彌芥子亦未妙
葱嶺老胡烏知道
此詩解嘲仍索鬧
舉似先生應絕倒

添盆中石菖蒲水仙花水

舊詩一讀一番新讀罷昏然一欠伸
無數盆花爭訴渴
老夫却要作閒人

小醉折梅

死愛花枝不忍吹
醉來恣意折芳菲
鬢邊插得梅花滿
更換南枝滿把歸

送錢文季僉判

東海珠胎清廟珍
璧水秀孝第一人
胡為俯首蓮泛綠
如有用我試治民
古來幕中要婉畫
君乃不肯作此客

囊篋細碎吾不能
玉壺清冰朱絲直
梅花雪片迎新年
送君搏風上九天
鳳池雞樹只咫尺
致君堯舜更努力

南溪早春

還家五度見春容
長被春容惱病翁
高柳下來垂處綠
小桃上去末梢紅
捲簾亭館酣酣日
放杖溪山款款風
更入新年足新雨
去年未當好時豐

春夜無睡思慮紛擾

不堪萬慮攪中腸
打破愁城入醉鄉
酒力盡時還又動

春宵短後却成長
浮思閒念紛無數
飛絮游絲徧八荒
看到東窓窓欲白
忽然一夢到羲皇

雪後寄謝濟翁材翁聯騎來訪進退格

封胡連壁雨中來
目送歸鞍悵獨回
隱几讀書寒入骨
開門落雪皓平階
急尋爐火溫雙手
自喚兒郎共一杯
念汝埜梅官柳路
地壚采葉買茅柴

東園醉望暮山

我居北山下南山
橫我前北山似懷
抱南山如髻鬟懷

抱冬獨暖髻鬟春最鮮
松鬢沐初淨山藹插更妍
我來猶斜陽我望忽夕煙
一望便應去不合久憑欄
山意本自惜如何許人看
急將白錦陣小隔青鬢顏
近翠成遠淡縹緲天外仙
誰知絕竒處政在有無間
頃刻萬姿態可玩不可傳

小酌

酒入春逾勁天寒燭始明
偶然傾一醞政爾餞三更

芍藥初生

芍藥新移處紅拳粲萬雛看來已可愛未問有花無
上章休致奉詔不允感恩書懷

納祿惟愁晚蒙恩未聽辭猖狂思再瀆感戀獨多時但
有花開日無非飲醉時白頭何所用滿與插花枝

寄題萬元亨舍人園亭七景

意山

不識弁山面相逢笠澤詩祇應晚雲散玉立對門時

蒲魚港

蒲牙長幾何已足庇玉尺只恐如主人潛逃逃不得

溪雲

閣前三面山閣下一溪水雲出戲作霖却歸宿簷裏

間世界

要守間世界不在世界外明月與清風何朝不相對

也賢

架亭元用木一夕化為竹醉眼碧成朱若箇是蒼玉

倚茗

何處蒼溪好請君來倚樓西山也驩喜奔走入簾鈞

綿隱堂

試問綿隱士何如陳東山出處均無關母間出世間

送趙寬之排岍之官章貢

監河曾賦鹿鳴篇又奉潘輿上貢川五子循環迎一母
十分酌玉祝千年鬱孤馬祖饒行樂柿栗來禽肥過拳
蘭膳餘閒番故曲曲江早起宴花邊

積雨新晴二月八日東園小步

醉來忽墮錦縹窩無奈桃園李繞何八角小亭無處坐
見花多處背花多

去歲春時正病身對花不飲被花嗔如今急報千花道
還我前來未送春

春半雨寒牡丹殊無消息

今歲芳菲儘未忙去年二月牡丹香寒暄不定春光晚
榮落俱遲花命長纔一兩朝晴炫墊又三四陣雨鳴廊
鞞紅魏紫拳如蕨而況姚家進御黃

題李子立知縣問月臺

高雲走上青天畔，手弄銀盤濯銀漢。
喚起謫仙同醉吟，一面問月一面斟。
初頭混沌鶻侖樣，阿誰鑿開一為兩。
是時燧人猶未胎，那得火鑄銀盤來。
此盤能圓復能缺，圓是誰磨缺誰蓄。
中有桂枝起秋風，何處移來種此中。
謫仙似癡還似黠，把酒問月月無說。
老夫代月一轉語，月却問君君領否。
君能飲酒更能詩，一夕無月君不嬉。
月能伴君飲百斛，月能照君講萬玉。
君但一斗百篇詩。

莫問有月來幾時
謫仙遠孫證明著
笑脫烏紗看月落

初秋戲作山居雜興俳體十二解

暑入秋來午更強
風排雨遣曉差涼
如何遶砌千莖蕙
只是開門一陣香

蚤起翻成坐睡昏
鵲聲喚我步前軒
竹扉日影針來大
情射壁千丸彈子痕

暑後花枝輸子春
雜英小巧亦欣人
素馨解點粉描筆
卷鳳愛垂鷄下唇

風騷開國昨寒嚴勞績批書課萃嵐梨子要肥干取百
菊苗每摘一生三

昨夜天垂破玉盆今宵辛苦補盆唇看他補到十七八
滿得十分虧二分

甌頭雲子喜嘗新紅嚼桃花白嚼銀笑殺它人浪歡喜
村人殘底到官人

七月初頭六月闌老夫日醉早禾酸莫將煮喫只生喫

更洩天機向達官

俗謂早禾酒
為早禾酸

自曝羣書舊，間新淨指白。
醜拂黃塵莫，羞空腹無丁字。
且免秋陽晒殺人。

獨對秋筠倒，晚壺喜無吏舍四。
歌呼柳梢一殼茲，緇滓
去上屋角雙斑谷古孤

湖密青唇調，剝瓊沼犀紫。
觚腦藏冰先生病，暑無多酌。
堆飮金杯作麼生。

卓午從他大繖張，先生別有睡為鄉。
竹床移徧兩頭冷，瓦枕翻來四面香。

月色如霜不粟肌
月光如水不沾衣
一年沒賽中元節
政是桐涼水冷時

謝潭帥余處恭左相遣騎惠書送酒三首

小煩上相領元戎
潭府千年一日雄
鏡樣洞庭那得浪
身為天柱不須峰
下居富貴雲相似
中立安危國與同
帝恐我公招不
出去去年虛左到
今冬

鵲噪燈花兩太謾
三朝五夜強相驩
打門將軍還驚枕
破屋閒人起著冠
知己書從天上落
熱香手把月中看

少陵泛愛虛名句羨殺寒儒眼不寒

相思命駕竟成休投老寒盟豈自由雪後風濤難訪戴
山間生死總依劉煩公赤手回青昊容我青溪弄白鷗
穉子尚堪駮使在門闌桃李未應秋

陳安行舍人閣學挽詞

媯水祀百世莆田生此公賢如太丘長忠似了齋翁玉
色猶山立皇居折棟隆孝宗最知己交臂火城紅

循吏今為冠高文妙草麻龔黃低一著班左共三家風

度春無價身名玉絕瑕可憐人士淚滴損紫薇花

我昔游璧水公時宿石渠重來十鑽火兩省共周廬小
語趨丹陛嘉招煮雪蔬破心投誅些淚落不能書

同王見可劉子年循南溪度西橋登天柱岡

望東山

親交久別忽相從飯罷相將拄瘦筇深澗小橋聊駐步
匡床羽扇對西風水聲流入肝脾裏日影輕遮雲氣中
五閨即看朝玉闕小居獨自卧山翁

偶因閒步散頑麻倦喚胡床小歇些飛上山頭人似鶴
回看溪畔路如蛇雲煙極目知何處松竹為門是我家
下得山來饑更渴也無麥飯也無茶

和曾無疑贈詩語及歐陽公事

烏帽紅塵媿子陵綠蓑青笠晚尋盟三十里外還家後
七十二回看月生與子兩人長對酌笑渠萬古浪垂名
醉翁若是真箇醉皂白何須鏡樣明

演雅六言

穀棘受田百畝蠻觸有宅一區虻蚋戒之在鬪蠅蚋實
繁有徒

果羸周公作誥鷓鴣由也升堂白鷗比德於玉黃鸝巧
言如簧

登天柱岡

雲外千峰鬪速行山尖一樹獨分明不知林下人家密
倚杖忽聞鷄犬聲

晚歸再度西橋

歸近溪橋東復東
蓼花迎路舞西風
草深一鳥忽飛起
儂不覺他也覺儂

水落沙灘大有情
漩來漩去不成行
暗鼓飛下小瀑布
攔住溪聲獨作聲

盡日山行意未消
歸來再與坐溪橋
山童拋石落溪水
喚作魚兒波面跳

朝過溪橋聽水鳴
似哀如怨百般聲
歸來依舊鳴未了
知向何人訴不平

題族弟道卿貧樂齋

雪茹冰餐入骨香，慢敲驢瘦儘詩狂。
人傳幼婦皆稱絕，鬼笑家兄不姓方。
細雨寒燈初夢短，斷猿枯木一聲長。
上天已辦河東賦，豈有長貧執戟郎。

睡起即事

午時睡起忽心驚，一事關心太嬾生。
速摘茶蘼薰白酒，不愁香重只愁輕。

送永州唐德明

忽報故人至，知從何許來。
滿懷俱玉雪，半語不塵埃。
聚散千江月，悲歡一酒杯。

送趙文有知府謁告省親

邦人寧食三斗葱，莫逢向來蠱尾公。
邦人寧卧文江路，莫放今侯雪川去。
今侯箇是隆準孫，蚤排月脇斫桂根。
玉皇與民作陽春，遣來活却廬陵人。
是時蠱尾正搖毒，邦人生愁總魚肉。
今侯下車陰未移，春臺載民爺與兒。
鳩鳴雀乳一千里，鷓鴣半聲不到耳。
今侯冰蘖清到底。

一粒不嚼廬陵米一茅下淪青原水
玉皇知渠是廉吏如何尊公小愆
和何恙靡已應無它候望白雲雙淚落
棄帥謁告歸侍藥尊公喜歸即日安
一見綵服還加餐玉皇詔侯結綵屬徑上金門
遙鵝鷺借令小緩作尚書也合追趨趙工部

和虞君使易簡字知能所寄唐律二首

四海九州虞雍公擎天一柱雪山峰
厥孫俊逸詩無敵下筆縱橫劍有鋒
舊日門生今白髮故人書札照蒼松

掉頭讀得紗巾落如對青雲阮仲容

柴桑卧病一茅廬或掉孤舟或命車道喪今朝逢祖謝
文工獨步過應徐萬山不隔相思字數月之間兩得書
廊廟方將訪喬木碧梧翠竹看新除

酌閤皂山碧崖道士甘叔懷贈美名人不及
佳句法如何千古風

桂林戶掾舊能文有弟拋家作音佐道人詩似道人人似

鶴看來若箇覓纖塵

贈我新詩字字奇一奩八百顆珠璣問儂佳句如何法
無法無孟也沒衣

送羅宣卿主簿之官巴陵

印山三子十一孫六人擢桂兩特恩惟君有子又擢桂
父子仇香仍一門君今初泛洞庭拖湖水粘天天更大
情音洞庭湖上岳陽樓送眼君山最上頭將詩寫取一湖
秋將秋寄來銷我愁為君酒船卷拍浮

送羅必高赴省

印山先生羅天文一卷周雅遺子孫一門三世六七人月中
桂枝斫到根近來書種將絕却兩隻秋天虛一鷄今年有孫
康晁來問天還我北斗魁印山草木也懽喜印山風雲有生
氣君不見普州衣鉢付仇香仇香衣鉢付此郎年來三十筆
力強百斛龍鼎一筆扛殿前春風更努力莫放別人居第一

除日留子上伯玉子西小酌

諸弟山行歸意忙先生雪卧夜深僵維風及雨歲云暮
不醉無歸夜未央五醖更撓三醖麼四更偏覺五更長

也知栢府明朝近且為椒花盡此觴

乙未春日山居雜興十二解

今歲春遲雨亦然生愁無水打秧田不消三日如麻却
線樣溪流浪拍天

半月春晴探物華山園走得脚酸麻從教三日風和雨
閉戶燒香不看花

海棠雨後不勝佳子細看來不是花西子織成新樣錦
清晨濯出錦江霞

百舌殷勤報曉晴
花梢做出百般聲
饒渠學徧山禽語
至竟何曾學得鶯

海棠重葉更妖斜
青帝翻騰別一家
格外出奇人不識
大紅抹利小蓮花

春寒偏勒牡丹遲
晚似常年半月期
正值清明同一日
那時恰好放花枝

手種花王五百窠
半來枯瘁半萌芽
東風未要都開子
每日教開三兩花

金作林檎花絕穠十年花少怨東風即今徧地藥枝錦
不則梢頭幾點紅

寒久花遲也大奇雨膏飽足土膏肥牡丹芍藥君須記
管取花房二尺圍

日影雲光學鍍金好風不肯碎花陰人言春色醜于酒
不醉衰容只醉心

半晴半雨半暄涼拖帶春容未要忙為報州家更縣裏
吾鄉改作萬花鄉

一春雨脚滯東園
柳絆花牽不暫閒
今日麗晴天氣好
杖藜看水更看山

送談命周從龍

周子囊螢初學儒
學儒不就學星書
五九五厄無逃處
折得今年錐也無

暮春即事

花時追賞夜將朝
花過遲眠日儘高
又與山禽爭口腹
執竿挾彈守櫻桃

送蕭瑞卿

異縣二百里分襟五十年
肯來尋病老相對各蒼然
舉似兒時話茫如夢裏煙
殘花猶可醉細酌未須眠

聖恩增秩進職致仕感恩述懷

雨露絲綸下玉宸
問天乞得箇閒身
一生無恨長多感
三請歸休恰四春
手板先還大丞相
安車懸示後來人
從今萬八百場醉
忽自稱寬五柳巾

春盡有感

等春不到怨春遲又是紅稀綠滿枝
雨後晚花猶在好檻前殘醉欲醒時
百年人事皆如此千載詩聲亦浪垂
金印不爭爭釣石更饒爭得鬢邊絲

送分寧主簿羅寵材秩滿入京

要知詩客叅江西政似禪客叅曹溪
不到南華與修水於何傳法更傳衣
吾家親邨子羅子只今四海習鑿齒
花紅玉白幾百篇塞破錦囊脫無底
三年簿領修水涯夜半親傳雙井芽
定知誦向百僚上不道長江與落霞

書黃廬陵伯庸詩卷

句法何曾問外人單傳山谷當家春
截來雲錦花無樣倒寫珠胎海亦貧
汗竹香中翻墨汁扶桑梢上挂頭巾
詩名官職看雙好向道儒冠不誤身

賦益公平園牡丹白花青綠

東皇封作萬花王更賜珍華出尚方
白玉杯將青玉綠碧羅領襯素羅裳
古來洛口元無種今去天心別得香
塗抹歐家記文著音研此花未出說姚黃

和益公見謝紅都勝芍藥之句

江西春好不關渠只說平園絕世無牡丹百種移洛苑
海棠千樹賽成都坐令浮花并浪蕊誰敢塗鉛更抹朱
不應一朶翻階艷博得龍宮八十珠

益公和白花青綠牡丹王字韻詩再和以往
渠是花中異姓王平園小試染花方冰霜洗出東風面
翡翠輕稜疊雪裳夜領素娥酌青女曉看國色帶天香
更將秋菊潭心水滴作羊茸月並黃

題黃唐伯一經堂

人言天地生仲尼不知仲尼生兩儀易中先自有太極
生天生地誰得知一經以後分為六六經以前一經足
學子要探天地心詩書執禮皆可尋吾鄉後身黃叔度
教子一經有佳處寄言韋家父子間浪此羸金良汗顏

送廬陵丞劉約之

忠節聞孫定不虛西樞猶子故應殊鸞停梧上遺風在
鴈進松間得句無剩有老農歌贊府未多存墨送清都

晦翁若問誠齋叟上下千峰不要扶

謝張子儀尚書寄天雄附子北果十包

今古交情市道同轉頭立地馬牛風如何聽履星辰客
猶念孤舟蓑笠翁饋藥雙奩芬玉雪解包百果紫青紅
看渠即上三台去天上昆陵說兩公

乃祖令真叅
政封昆陵公

初秋小雨殘暑未退

雨好夫何小涼新竟未多飄蕭才響瓦點滴不霑荷龍
亦如儂否渠還畏熱麼敢煩頻上水

諺謂電光
為龜上水

只倩挽

天河

送王子林節推歸融州

吾州佳士子王子深入黃茅作從事
捧檄還家侍老親
猶能過我誦近文
問渠鶚表幾張紙
笑道孤寒那得此
老夫已把釣月竿
安能為子插羽翰
似聞融水有二天
外臺使星俱好賢
願子西去早著鞭
歸來荐墨滿袖猶
未乾

詠荷花中小蓮蓬

山蜂怕雨損蜂兒葉底安窠更倒垂只有荷花不愁雨
蠟房仰卧萬花枝

病中屏肉味獨如菜羹飯甚美

雲子香抄玉色鮮菜羹新煮翠茸纖人間膾炙無此味
天上酥陀恐爾甜渾是土膏含雨露何須醬豉煮醃鹽
茹毛禍首雍巫出饒到熊蹯未屬厭

易牙雍人名
巫見左傳註

木犀芙蓉盛開

先生深住萬山邨露裏雲包不見痕也被閒人知去處

芙蓉巷裏木犀開

賀張功父寺丞新長鳳鷄

念君只欠一英雛萬事今君足也無想見碧梧森翠竹
敢嘲老蚌出明珠只今小德嘽春鳥後日熊兒投蹇驢
自古相門長出相煙樓一撞莫教輸

題彭孝求碧雲飛觀

寸雲如絮起青原飛空化作一碧仙天風吹上南斗邊
硜然墮在跋閣前老彭有孫拉雲住海蜃吐樓壓雲去

日暮佳人來不來
試誦湯休斷腸句

跋劉敏叔梅蘭竹石四清圖

老夫老伴竹千竿
湖石江梅更畹蘭
不道外人將短紙
一時捲去也無端

戲跋朱元晦楚辭解

注易箋詩解魯論一
帆徑度浴沂天
無端又被湘纍喚
去看西川競渡船

霜後藜枯無可羨
饑吟長聽候蟲聲
藏神上訴天
應泣

又賜江離與杜衡

贈劉漢卿太醫

爐底金丹妙入神
月中玉兔搗成塵
臣門如市心如水
只要陰功活萬人

鶯兒黃似酒

楚水浮天碧鶯兒
弄日黃傍人殊秀
色似酒更風光破
殼雙翎嫩眠沙
百草香却將金鬱
鬯試比褐衣裳未
博山陰墨先娛錦
里觴蒼波兼鳳沿
莫遣浴鶯鶻

夢中作
一詩止

得四句覺
而足之

送清江王守赴召

世言富貴易得家世難有賢父兄子弟未渠去聲賢君不

見祖孫父子與兄弟根蘭樹玉枝亦桂魏晉以來誰家

子只數江淮一王氏世言淮水若絕渠不昌不知淮水

有絕渠更長取看兩朝到吾宋中間人物無閒空去聲有

曾有旦繼茂弘即今紫樞繼子明昔纔一人今三人後

者王振前金聲紫樞更有金玉阿兄子兩有剛方兼堂

弟清江五馬來自東三年一日一春風又聞一節喚歸
去父老攔街遮不住喚他父老且細聽朝家政要好公
卿父老莫與朝家爭打鼓發船催速行

贈王壻時可

忠襄先生有賢甥瀘溪先生有賢孫只今二十能綴文
超然下筆如有神忠襄大節爭日月瀘溪清風敵霜雪
兩家不是無家法何須外人問衣鉢老夫卧病南溪旁
芙蓉紅盡菊半黃子來問訊維摩詰分似家風一瓣香

題安成劉伯深爵瑞里報德堂上白爵圖

君不見書堂之北爵瑞里安成令君旌孝子報德堂前
松逼天下宅浩然老居士居士元無一物遺子孫只有
牙籤三萬存郎君嗜此三萬軸落紙雲煙動場屋雪中
負土成先塋感得路人雙涕零更傳雪爵雲上墮天表
孝子踏雪行即看黃告來居第是時雪爵應再至

誠齋集卷三十八

欽定四庫全書會要卷一萬五千六百十六

集部

誠齋集卷三十九

宋 楊萬里 撰

詩

退休集

益公新作三層百尺新樓署曰圍山觀賀以
唐律二章

萬峰飛入子城頭千里長江几上流外面週遭蒼玉笋

虛空幻出水晶樓，簾開雪月非三畝。
人立雲霄更九州。
一騎紅塵來北底，平章軍國惱公侯。

崕谷求仙底，有仙金梯上去，即仙源。
山川第一江西景，風月無邊相國園。
十倍黃樓，況黃閣，千尋青壁，是青原。
寫成脚力猶強，句燈火，笙歌特地喧。

公登樓詩有老夫脚力猶強在之句

送丁卿季吏部赴召

吾州使君五十年，不曾召節來日邊。
老夫送人作太守，不曾送人上九天。
玉皇去年選丁寬，遣來螺浦蘇堯鰥。

玉皇今年喚渠還州民遮道不得前父儒佳政萬口傳
近世能吏了不闕道渠豈弟父母然凜如冰霜照人寒
道渠明斷神一般秋毫不擾田里安一州天下孰後先
要渠筆橐侍甘泉尚書履聲再接再連更進一步百尺竿
紫渠黃閣半武間梅花滿枝雪滿山雪花能舞梅能言
滿餞使君金玉船

庚申東園花發

曉風細細日鮮鮮也不鳴條也不暄却被花枝勾引著

掀桃舞柳恣他顛

桃蹊李徑舊分栽紅白教他各自開
可是桃花逞顏色
一枝穿過李花來

與子仁登天柱岡過胡家塘
蕙塘歸東園

嫩晴無日也無風政是春光醉樣醲
行到中峰元未覺
回頭已度打頭風

胡床脚底萬峰寒拄杖錐尖亂蘚斑
天柱岡頭行未飽
相攜更上一重山

數間茅屋旁山根一對兒童出竹門只愛行穿楊柳渡
不知失却李花村

厭看家園桃李春踏青行徧四山村芳菲看盡還歸看
看得園花特地新

登度雪臺

金砂歲歲占先回不等荼蘼一併來今歲香紅與香雪
兩花同日忽齊開

山莊李花

山莊又報李花穠火急來看細雨中除却斷腸千樹雪
別無春恨訴東風

送韓漕華文移節江東

公家文公天斗星可雙孟氏再六經姓名不上凌煙去
只與日月爭光明君家魏公天一柱拄天無傾日無霧
唯天唯堯唯永治臯旦以還俱避路只今百年三百年
文獻衣被芝與蘭華文使者典刑存一生流坎晚乃騫
豪氣拔士兼人間如今兩有今誰先德星纔照翼軫地

寒士驩呼細民喜鍾山石城何物神奪與東民天不嗔
寄語東民也未穩渠是鸞臺鳳閣人

太寧郡夫人張氏挽詞二首

蓋世金甌譜傳家象笏囊橐砧八葉相桂子一枝香蔥
嶺叅西學蘭陔揜北堂能詩飽經史箇是女班揚

我憶定齋老壺觴父子間西湖梅半落東館月中彎傾
倒王姑酒嶽岑杜母山升堂遲一拜作誄費頻刪

送周起宗經幹赴桂林幕

乃公昔夢飛入月棟宇分明篆銀闕明朝占夢占者云
一甲八人更何說紹興大對奏集英天風吹下臚傳聲
作者七人拜恩了乃翁甲科第八名十年一武可鳳沼
邵陽別駕今宿草子今端能讀父書羣拜美髯一似渠
當時父執今左相鴻鈞播作幕府梧問天一雪乃翁屈
早入鵝行綴簪笏

故太恭人董氏挽詞劉公實母

誰別夫人孝惟天與病姑每云吾婦在底用別人扶愉

色春相似彌年倦更無蒼蒼不汝報種黍定生菰
貧是儒家事誰貧奉直如也無一瓢飲惟有半床書婦
婦能攻苦卿卿不負渠竟令鴻與侃相繼大吾問

親見卿為月頻移使者星藻虛南澗碧萱落北堂青遺
下新諭狄空傳訓寧馨又孫還又子玉樹滿堦庭

九秩開鴻算前春祝壽觴秦淮作椒柏鍾阜當星香花
壓藤輿重存回繡幃涼諸臺誰有母羨殺綵衣郎

溧縣初栖鳳金陵復木牛重來喜城郭一夕閔山丘終

始非無數東西豈自由
銘旌三十里處處哭歸舟

十一月十九日折梅二首

初愛寒香一朵斜
又逢竒朶出高了
折來折去花多了
忘却前花與後花

也知春向歲前回
不道春前早有梅
折得數枝撚歸去
蜂兒一路趁人來

謝張功父送近詩集

十年不夢軟紅塵
惱亂閒心得我嗔
兩夜連緡約齋集

雙眸再見帝城春鶯花世畋輸公等泉石膏肓探病
身近代風騷四詩將非君摩壘更何人

四人范石湖尤
梁溪蕭十岩陸

翁故

贛守張子智舍人寄詩送酒和韵謝之

誰言天上張公子飛下崆峒看晚晴為愛東坡題八景
却同嚴助獻承明詩來風雨荒涼後語帶江山紫翠橫
更遣麴生相暖熱十年同社再尋盟

送趙判官端國趨班改秩

金陵一見恍如夢君為過客儂相送廬陵再見春欲殘
君來入幕儂挂冠是時猛虎初出境赤子凜如兵在頸
帝選良牧蘇瘦民前趙後丁廉且仁更得君作幕下賓
四年千里日日春與君相逢又相別人生聚散如霜葉
桂林一枝三十年諸公文章荐遺賢去揖侍郎趁立班
端然別我南溪邊為我一醉春風前看君搏風上九天

送周彥敷通判之官臨川

益國今姬旦治中小呂申留家視蘭膳疋馬見州民慈

訓二六句寒窓三十春校書天祿閣才子即雲津

送曾文卿入京

如君大似陸雲龍一歎詞場萬馬空文透退之闕捩手
騷傳正則祖家風十年拄笏南雲裏兩手投竿西日中

壁水蓬山剩虛席僊筵趣取牡丹紅

朝士初上高會集
同僚謂之僊賀

送趙英仲司戶

紹興人物趙戶部身作長城護瓜步佛狸送死緣有人
猿臂不侯得非數只今曾孫戶掾公吏能官政有祖風

南山可搖判難奪東海不寬陰有功吾州上了本曹印
謁帝明光當得覲秋風正緊送搏扶九萬程途人莫問
送聶士友通判上印入朝

君家樞相扶天極氣凌霜雪忠貫日史家有筆歎無人
今有此人無此筆君侯名家千里駒拱璧盈尺徑寸珠
合登清廟薦六瑚合叅豹尾隨屬車胡為小緩雲間翮
竭來螺浦分風月開軒不與俗客談明月清風入牙頰
只今上印去朝天春風玉笋催綴班相門有相君勉旃

凌煙再寫進賢冠

送次公子之官安監稅

汝仕今差晚家庭莫恨離學須官事了廉忌世人知爭
進非身福臨民只母慈關征豈得已壟斷欲何為

寄題南城吳子直子常上舍兄弟社倉

有虞有宋雙重華兩聖一心民一家綠針刺水農事起
重華愁早從此始黃雲登場萬寶秋重華對天失却愁
二十八年臨御座大半光陰愁裏過天顏憂喜丞相知

常平使者陳便益，倡為社倉，首建溪盱江。吳扎承君師，
伯霜仲雪發爾私。支竒虐魃手，莫施活幾。侷子幾凍黎，
詒子又孫孫。又子箇是重華聖，人意無論十世百十世。

題劉翔卿蔚然樓二首

誠叟顛狂與醉題，良翁珍重灑瓌詞。山稜莫學詩肩瘦，
月寫雲描總是詩。

樓上青編入骨香，樓前碧岫透簾光。乘風飛上廣寒殿，
下看秋雲一點蒼。

贈高德順

子年十有四拜鄉先生高公守道為師與其子
德順為友同居解懷德之齋房子謝病免歸德
順杖藜躡屨訪子於南溪之上留之三日告歸
贈以長句

兒時同客水中蟹鴨脚林間索詩債只今白髮共清燈
一尊濁酒話平生我才不及君才美毛穎負君真差事
見說君家千里駒看渠高大君門閭

送安成羅茂忠

書臺佳士君章孫句法來自西溪門向來家住金谷園
珊瑚四尺蠟作薪床頭黃金已散盡買書却鑄文章印
印成一字不療饑仰天大笑還哦詩諸老先生總叅徧
只欠一瞻晦翁面晦翁今已作貴人君從何許去問津
勸君努力戰今舉來年拜渠為座主

曾伯貢主簿挽詩二首

練練蘭溪秀家家玉樹榮興安有才子良老是先生師

與三冬學詩傳五字城一官纔祭竈作麼便銘旌
我壯君初冠相逢便定交即今俱白首赴告忽黃茅人
物王兼謝詩聲島與郊病來無氣力不得奠蘭肴

黃司法妻歐陽氏孺人挽詩

法掾無雙裔夫人六一孫夙勤南澗藻晚享北堂萱蒲
圃嚴新擢潘輿闕舊軒庭堦森玉樹駟馬有高門

題曾景山通判壽衍堂

人家具慶已燕喜人家重慶更可偉宜春臺上賢治中

妙齡斫桂廣寒宮親年九十身六二芝蘭玉樹森庭砌
上堂綵衣稱壽觴下堂綉口喧雪窓紫樞相公喜嘉祥
大書壽衍名其堂五世其昌未渠央

送劉茂材主簿之官理定

陸機二十作文賦劉君二十詣太常桃花浪險阿香怒
點破龍額歸西江平津六十策第一劉君五十賜袍笏
一官初入八桂林官無早晚在努力大帥大漕兩德星
總是青原舊使君若問公堂堦下吏便是三瑞堂前門

生前進士

蕭照隣叅政大資挽詩

父子雙晁董中興只一家裏剛金百鍊表粹玉無瑕
力扶忠善平生嫉佞邪古人少全傳公傳即非夸

東府辭金印南園伴赤松門闌無惹草石自從容忽
作丁威鶴云亡孝子龍一哀緣殄瘁不是涕無從

贈盱江謝正之

盱江天上銀河冰麻姑人間白玉京不生金珠不生玉

只生命代千人英前有泰伯後子固後無來者前無古
九州四海何同年濃墨大字存惠連君家春草池塘句
只今又見君著語袖中綉出詩一篇清新不減春草編
願君努力古人事再見麻姑與盱水

太守趙山父命劉秀才寫予老醜索贊

六言

香山有箇狂客恣游三十六峰不是河南賢尹誰贈明
月清風

寄題舒州宿松知縣戴在伯重新紫霄亭

一代名臣張右丞玉山頭作紫霄亭如今再得戴安道
拈出舊時山色青

萬里長江一線橫好風時送晚潮聲江州司馬叫不醒
叫得廬山分一觥

寄題荆南撫幹胡仲方公解信美樓

大資孫子大叅甥磊砢胸中萬卷橫樓上已堆千古恨
晚潮更作斷腸聲

古有仲宣今仲方二樓分定一秋江散愁幸有杯中月

莫下南窓下北窓

題劉子遠春風堂

良齋先生門下士寒星向曉今餘幾春風堂上劉更生
十年桂山問竒字良齋正派誰真傳更生得髓仍得肝
春風卷著兩袖裏放出搏扶天地間

題劉子遠宴坐畫圖樓

大年小景真兒戲郭熙遠山閒故紙東山一壘作毛錐
試點南溪一溪水洒出樓前千萬峰一一奔騰入樓裏

金華仙翁強解事攘成樓中新句子

題太和宰卓士真寄新刻山谷快閣詩真蹟
快閣江鷗遠避人西昌山月暗吹塵百年卓茂傳詩印
印出風光色色新

太史留題快閣詩舊碑未必是真題六丁搜出嚴家墨
白月青天橫紫蜺

同次公觀細陂小坐行店

溪店疑為旅溪行當出郊莓苔依斷蓼翡翠上寒梢

南溪細陂

仙家有樂世無比能乾水銀作銀子老夫却把水晶環
鎔作南溪一溪水閒隨稚子作音兒嬉金砂玉礫磊細
陂水從陂上瀉澗底椎碎水晶聲滿耳忽然流下片蒼
苔一朶碧雲影千里

訪蓬萊老人

不到蓬萊又幾時涼花漸盛暑花稀我來不是忘歸去
忘却來時故道歸

觀碁感興

本是輸碁強作贏
看來終與好碁爭
君看國手無雙底
何用旁人掾敗兵

寄謝蜀帥袁起巖尚書閣學寄贈藥物

卧雪先生冰雪胸
小迂星履領元戎
草堂衣鉢風騷將
茆屋笙簫造化工
杜宇催歸波正綠
海棠不睡燭斜紅
遨頭未了詞頭下
四世重新六五公

拋官歸隱七經年
睡殺山雲笑殺天
剝雨殘雲黃帽底

顛詩中酒白鷗前少年行路今已矣厚祿故人書寂然
只有錦城袁閣學寄詩贈樂意悃悃

謝淮東漕虞壽老寶文察院寄詩

詩吸三江捲五湖彫瓊為句字為珠前身謝守吟澄練
今代世南行秘書獬豸峨冠久塵醜星辰聽履即須臾
夜來飛入東園去夢裏分明覺後虛

鷓行接翼復分襟酒病詩愁老不禁十載江湖千里月
一生金玉兩知心悼亡君有安仁戚歸隱儂為老父吟

早晚故人天上去未應廊廟忘山林

寄題安福劉道協涌翠樓

讀書臺南山繞屋恰似萬簪削青玉讀書臺北山更多
又似碧海躍萬波臺邊高人子劉子架樓南北山圍裏
醉中領客上上頭忽驚平地翠浪浮一浪拋雲入天半
衆浪翻空濕銀漢砰轟打倒闌干前天跳地蹕乾坤顛
主賓拍手呼釣船定眼看來還不然只是南北幾點山

送胡聖聞入太學

春風吹開孝廉船
撞星犯斗上九天
夜書細字燈前月
朝茹寒齋甕中雪
何蕃省親間一歸
陸暢擢第各一時
此行歸來上親壽
桂枝滿地香滿袖

程泰之尚書龍學挽詞

廟器圭璋骨儒林
虎豹章韋編雙輔
嗣禹跡再平當月
冷談經幄塵昏弄
筆床西州何處路
谿水咽梅鄉
公弭江西節儂橫
南浦舟相逢便金
石一別幾春秋問
訊頻黃耳歸休各
白頭豐碑那忍讀
未讀淚先流

讀白氏長慶集

每讀樂天詩一讀一回好少時不知愛知愛今已老初
哦殊歡欣熟味忽煩惱多方遣外累半已動中抱事去
何必追心淨不須掃追歎欲埽愁自遣還自擾不如卷
此詩喚酒一醉倒狂歌謫仙詩三杯通大道

送幼輿子之官澧浦慈利監稅

估人畊貨不畊田也合供輸餉萬屯若道厚征為報國
厚民却是厚君恩

素王開國道無臣一榜春風放十人莫羨榜頭年十八
舊春過了有新春

題贛州重建思賢閣

趙公遺愛虎頭城直到張公續此聲前趙後張俱可閣
贛民不用羨西京

題章貢道院

江西道院賦金華近日當塗共兩家更著崆峒三道院

只銷卧治醉鶯花

當塗號江東道院

與子上野步

籬落深深巷茅茨小小家冬晴好行脚何處不梅花

送贛守張子智左史進直敷文閣移帥八桂

龍尾名臣進寶奎虎頭移鎮赴榕溪屈刀將帥迎牙纛
解辦戎蠻貢象犀翠浪玉船餘昨夢碧筵羅帶入新題
鳳池雞樹公栖處早箇雲飛不要梯

拋官九載卧柴荆有底生涯底友生白鷺鷁雙屬玉
青鞋布襪一笈筓贛江府主憐逋客尊酒綈袍篤故情

天上故人今又去碧雲西望暮天橫

至後與履常探梅東園

雨後霜前梅欲開欲開猶懶雪風催一秋不到東園裏
從此朝朝暮暮來

兩朶三枝梅正新不疎不密最快人花枝夾徑嗔人過
徑脫老夫頭上巾

雨澀風酸悶却春光初暖倍精神天如一面青羅扇
仰看橫枝自寫真

題永豐劉伯英雙清亭

銀河一派天上來，霜松萬本冰際栽。
公幹作亭占佳處，攔住清風入窓戶。
醉餘綠綺膝上橫，學得松聲與水聲。
更待九秋月亭午，白玉壺中有新句。
煩君赤手雙拾取。

寄題彭澤王尉

名自適

解舍二境

讀書巖

不遇黃山谷，那傳石橘林。
巖欺小孤頂，影落大江心。
試聽秋蟲語，如聞夜誦音。
梅仙癖嗜古，此外更幽尋。

潛玉洞

人道書巖好誰知石洞竒
外纔一徑盡中忽萬峰
敬竅石天成屋泓泉鬼斲池
弘中遠孫子宴喜又添詩

題湖北唐憲桂林義學

梅花五嶺八桂林青羅帶繞碧玉簪
祥刑使者兩唐裔親領諸生到洙泗
七星巖畔築齋房獨秀峰尖作筆床
買書堆上天中央海表學士來奔忙
中州淑氣無間斷南斗文星方炳煥
君不見日南漢相曲江張萬古清風

裂雲漢

除夜小飲歎都下酥乳不至

雪非霜裊酌歲除也無牛乳也無酥貧中却富何人會
自有村醪不用沽

辛酉正月十一日東園桃李盛開

千萬重山見復遮兩三點雨直還斜行穿錦巷入雲巷
看盡桃花到李花

溪邊回望東園桃李

看花不合在花間外面看來錦一般每一園花三丈許
紅花圍繞白花團

上元後一日往山莊訪子仁中塗望見莊裏
李花

莊裏李花何似生山頭轉處最分明
轎中舉首聊東望
不見花枝見雪城

李花十里縱長圍漏出桃花片子兒
干文越羅初水凍
中間一點浣臙脂

新安德安牡丹透根生孫枝皆千葉種也即
非接頭三月二日瑞雲紅初開晴曉起看喜
而賦之

日上渾遲在花乘絕早看精神百倍好風露七分寒夜
宴醒猶醉晨粧濕未乾子孫更千億紫筩繞團藥

送俞漕子清太卿赴召

帝求耆舊憶吾公紫詔斜行下碧宮厲操蘭熏仍雪瑩
作民冬日與春風便登鳳閣鸞臺上小試雞翹豹尾中

十載江湖訪民瘼一時傾倒沃天聰

自謝孤蹤霜葉輕宦游何幸並耆英合符先後分江郡
接武差池綴月卿愛我從來兩膠漆與公別是一親情
老身無用難提挈尚有兒曹累使令

謝江東耿漕曼老寄書并與沈侍郎唱和詩
朱雀橋邊舊使星五年火照大江明端能記憶誠齋叟
千里書來訪死生 右謝詒書勞苦

碧落侍郎金作句瀛洲學士玉為章兩君唱和君知麼

箇是安期却老方

右謝唱和佳句

題王子宣主簿青山讀書堂

謝家青山李家據王家青山當家住上頭
新作讀書堂
牙籤玉軸古錦囊萬天攘臂儂掉臂萬事無味書有味
時挑苜菜煮一字兒輩不須來染指

夏至雨霽與陳履常暮行溪上

西山已暗隔金鉦猶照東山一抹明片子
時間弄山色
乍黃乍紫忽全青

夕涼恰恰好溪行暮色催人底急生半路蛙聲近步止
一榮松火隔籬明

送子弟赴郴州史君羅達甫寺正之招

郴山竒變水青寫郴江幸繞郴山下韓秦妙語久絕弦
誰煎鳳嘴續此篇君章詞客山水主雲錦聘君君好赴
為尋兩公舊游處得句寄儂儂不妬休道郴陽和鴈無
也曾避雪羅浮去

走筆謝吉守趙判院分餉三山荔子

吾州五馬住閩山分我三山荔子丹甘露落來鷄子大
曉風凍作水精團西川紅錦無此色南海綠羅猶帶酸
不是今年天不暑玉膚照得楚人寒

五羊荔子上
上者名綠羅

夏夜翫月

仰頭月在天照我影在地我行影亦行我止影亦止不
知我與影為一定為二月能寫我影自寫却何似偶然
步溪旁月却在溪裏上下兩輪月若箇是真底唯復水
似天唯復天似水

夏夜月下獨酌

誰道今年熱今宵分外清
竹風秋九夏溪月晝三更
此景天慳與無人酒自傾
明朝火織上別作一經營

月忿雲遮却雲遭月輒翻
斬新燈世畀特地玉乾坤
兔舞催詩句蟾醒笑醉魂
姮娥且莫睡照管失金盆

謝蜀帥劉仲洪尚書龍學遣騎詒書之惠

紫衣將軍打門來雲錦書
從錦水回箇是國西天一柱
早歸斗下位三臺致身將
相黑頭在憐我漁樵青眼開

舊日雪山寒刮骨，祇今移取上春臺。

足痛無聊塊坐讀，江西詩

兩脚徧雲水，羣書久網絲。却因三日痛，理得數篇詩。不借雙高挂，毋追一任歌。老來非愛病，不病亦何為。

夏夜露坐

火老殊未熱，雨多還自晴。暮天無定色，過鳥有遺聲。坐久人將睡，更深月始明。素娥欺我老，偏照雪千莖。

山翠都成黑，天黃忽復青。月肥過半壁，雲瘦不遮星。尾

鼓三四隻村酤一兩瓶人皆笑我醉我獨笑渠醒

誠齋集卷三十九

謹案卷三十八第一頁前八行燒得春衫兩袖穿
原本作燒得南春衫袖穿据別本改

第六頁後二行喚起謫仙同醉吟原本吟訛久据
別本改


第八頁後八行破屋間人起着冠原本間訛小据
宋詩鈔改

第九頁後七行水聲流入肝脾裏原本脾訛膽据
別本改

第十一頁後二行慢歌驢瘦儘詩狂按宋詩鈔歌
作欺

卷三十九第十五頁後五行韋編雙輔嗣原本脫
雙字今增禹迹再平當原本當訛章按前漢書
平當傳當以經明禹貢使行河為騎都尉領河
隄今据改

第十八頁後八行南斗文星方炳煥原本煥訛炳
据別本改



總校官庶吉士 臣張能照

校對官庶吉士 臣陳 墉

謄錄監生 臣浦 焞